

***Uunga siunnersuut: Katersugaasiveqarneq pillugu Inatsisartut inatsisaannik
allanngortitsineq pillugu Inatsisartut inatsisaat nr. xx, xx. xxx 2018-imeersoq
(Nunamit allanngutsaaliukkami, Nunatta Avannaarsuaniit Kangianiillu
Biosfæreqarfiusumiit annissisinnaanermut aalajangersakkat sukannernerusut kiisalu
katersugaasiveqarneq pillugu ataatsimiititaliap katitsigaanera, piffissaq atuuffissaa
akilerneqartarneralu pillugit aalajangersakkat)***

Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumit
saqqummiunneqartoq

Pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISUTAA

Siunnersuutip aappassaanneernejarnerani tunniunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap
suliaqarnermi kingullermi makkuninnga inuttaqarpoq:

Inatsisartunut ilaasortaq Doris J. Jensen, Siumut, siulittaasoq
Inatsisartunut ilaasortaq Mimi Karlsen, Inuit Ataqtigiit, siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Sofia Geisler, Inuit Ataqtigiit

UKA2019-imi ulloq 12. oktober 2018 siunnersuutip siullermeerlugu oqallisigineqarnerata
kingorna siunnersuut Ataatsimiititaliamit misissorneqarpoq.

1. Siunnersuutip imarisaa siunertaalu

Nunatta Katersugaasivianit Allagaateqarfianillu illersuilluni malittarisassanik
sukannernerulersitanik akuersissummik siumut piumasaqarnissamik siunnersuut imaqarpoq,
allannguutit inunnit pilersitaasunik kalaallit nunaannit aallaaveqartunik annissiniarluni
kissaateqaraanni, taakkua qanoq nutaanngitsigineri apeqqutaatinnagit, nunami

allanngutsaaliugaasumi aamma Avannaarsuani Kangianilu sumiiffinni immikkut toqqarneqartunut allanut tunngatillugu.

Tamatuma saniatigut KANUKOKA atorunnaartussaavoq, taamaattumillu pissusissamisoortinneqarpoq toqqaasussaataasooq allanngortissallugu, kommunit ataatsimiititaliami ilaasortassamik ataatsimoortumik toqqaasarnerannik taarserlugu. Ilaasortaqa taanna siunissami kommunit ataatsimoorlutik toqqartassavaat.

Tamatuma saniatigut Katersugaasiveqarnermut Ataatsimiititaliap sulineranut killiliussat annertusineqarnissaat ersarissarneqarnissaallu anguniarlugu siunnersuut allannguutiniq imaqqarpoq.

2. Tusarniaanermi akissutit

Tusarniaanermi akissutit inatsisissatut siunnersuummut ilanngunneqarput, inatsisartut Siulittaasoqarfiata ilusiliinissamat piumasqaataa tamatumani malinneqarpoq.

3. Allannguutissatut siunnersuummik saqqummiussineq

Siunnersuutip aappassaaneerneqannginnerani, Naalakkersuisut allannguutissatut siunnersuuteqarput. Allannguutissatut siunnersuutip oqaaseqaataani allassimavoq, Naalakkersuisut aalajangernerisigut UNESCO'S'p Man and Biosphere Programmeanit Nuna Allanngutsaaliugaasoq, sumiiffik Biosfæreqarfiusoq Avannaarsuani Kangianilu inissisimasooq pineqartoq atorunnaarsinneqartoq.

4. Siunnersuut pillugu Naalakkersuisut ilisimatitsissutaat

Naammattumik ersarissarneqarluni immikkoortup ataatsimiititaliamit suliarineqarnera qulakkeerniarlugu, ataatsimiititaliap Naalakkersuisut ataatsimeeqatiginiarlugit saaffigai. Ataatsimiititaliap saaffiginninnera isumaliutissiisummi ilanngussaqaq 1-itut ilaavoq. Saaffiginninnermi taaneqartut pillugit ilisimatitsinermi, pineqartumut Naalakkersuisut pilersaarutaat nunamut allanngutsaalisamat nunatsinni nunarsuarmioqatigiinilu killiffik pillugu Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisooq allakkatigut ersarissaatinik piniarsimavoq. Allakkatigut akissuteqaat isumaliutissiisummi ilanngussaqaq 2-tut ilaavoq.

5. Ataatsimiititaliap siunnersuummik suliarinninnera

Nuna Allanngutsaaliugaasoq pillugu nalunaarusiap pilersaarutaasumik naleqqussarnissaanut atatillugu tunngavissaqarumallutik Naalakkersuisut siunnersuut saqqummiukkaat ataatsimiinnermi ilisimatitsissutigineqarpoq. Ataatsimiititaliap iluarinartippaa, inatsisip ersarinnerusumik tunngaveqarnissaa Naalakkersuisut qulakkeermassuk.

Naalakkersuisut inatsisip atuuttup naleqqussarnissaanik siunnersuuteqarmata attuumassuteqartuni pisariaqartitsineq tunngavigalugu ataatsimiititaliap iluarinartippaat. Ataatsimiititaliali eqqarsarnartoqartippaa, Naalakkersuisut illuatungaaticut siunnersuut saqqummiuummassuk UKA2018-imi qulaani taaneqartoq UNESCO-p pilersaarutaani tunngassuteqarluinnartoq, aappaatigullu ulloq 16. november tusagassiuutitut nalunaarutikkut programmimit tassannga ilaajunnaarsillugu tunngavilersuutigalugu¹:

”Nunarsuarmi uummassusilinnut pisussanut pilersaarut ukiorpassuit ingerlaneranni tunngavissarititaasunut, pisussanut pilersaarummi ilaanissamut naammassineqarsimasussanut, sanilliullugu allanngorsimavoq. Tunngavissarititaasut ilaat ilaatigut tassaavoq, sumiiffimmi aalajangersimasumik najugaqartunik inoqassasoq, nuna allanngutsaaliukkami taamaattoqarani.”

UNESCO-p pilersaarutaani aalajangersimasumik najugaqartunik inoqassasoq tunngavik nutaajunngilaq, soorluttaaq tamatuma eqquutinneqannginnera aamma Nuna Allanngutsaaliugaasoq pillugu taamaangitsoq. Pilersaarummi ilaajunnaarsitsineq piffissap sivisunerusup ingerlanerani pisimasut inernerigaa aammalu Naalakkersuisunit sivisunerusumik isumaliutigineqarsimasoq ataatsimiititaliap ilimagaa.


Ataatsimiititaliani aalajangiisartunilu assigiinngitsuni kommunit sinniisuutitaqarnissaat qulakkeerniarlugu assigiinngitsunik iliuuseqartoqarpoq KANUKOKA-p atorunnaarneratigut. Ataatsimiititaliap iluarinartippaa, Naalakkersuisut siunnersuutikkut aaqqiiniarmata, kommunit akornanni isumaqatigiinnissaq ujartorlugu siunnersuutip imm. 2, § 20, imm. 2, nr. 4. naapertorlugu isumaqatigiittoqarsinnaanngippat kommunit inassutaasa akornanni ilaasortassamik ataatsimik Naalakkersuisut toqqaassapput siunnersuutip imm. 2, § 20, imm. 4. naapertorlugu taamaasiornikkut kommunit namminneq kissaatigisaat aallaavigineqartassaaq.

6. Ataatsimiititaliap inassuteqaataa

Allannguutissatut siunnersuut akuerineqassasoq ataatsimiititaliap **isumagatigiittup** inassutigaa.

¹ <https://naalakkersuisut.gl/kl-GL/Naalakkersuisut/Pisut/2018/11/161118-Naalakkersuisut-afmelder-Nationalparken-fra-UNESCOs-biosfaereprogram>

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Doris J. Jensen

Siulittaasoq



Mimi Karlsen

Siulittaasup tullia



Nivi Olsen



Laura Táunâjik



Sofia Geisler